



Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Prima Pars Et Prima Secundæ Divi Thomæ Complectvntvr -
Qvæstiones Insvper Ad Mores & praxim spectantes, quæ peculiarem cum
Scholasticis habent connexionem, declarantur

Carleton, Thomas Compton

Leodii, 1659

Sect. I. Vtrüm Relationes in Essentiâ, hæc in Relationibus includatur.

urn:nbn:de:hbz:466:1-13718

DISPUTATIO LIV.

De inclusione mutua Relationum & Essentie.

SUPRA, Disputatione quartâ, sectione secundâ & sequentibus latè dispu-
tavi, utrum Attributa absoluta, Iustitia, Misericordia, &c. in Essentiâ,
& hæc cœcissim in illis includatur, argumentis ultero citroque in utramque par-
tem adductis. Et quamvis hæc de mutua Relationum & Essentie inclusione,
maximam cum quæstione illâ habeat connexionem, ejus tamen discussionem buc
remisi, utpote hujus loci propriam.

SECTIO PRIMA.

*Vtrum Relationes in Essentiâ, & hæc
in Relationibus includatur.*

I.
*Status que-
stionis pro-
ponitur.*



QUESTION non procedit de reali in-
clusione, & prout se habent à parte
rei, sic enim & Relatio quævis in-
cludit Essentiam, & Essentia Rela-
tiones, hæc namque inclusio aliud
nihil est, quæ realis identificatio. Quod ergo
hic inquirimus est, utrum ratione nostrâ concepi
Essentia possit, non conceptis Relationibus, &
econtrâ; si enim hoc fieri possit, nec Relationes
Essentiam, nec Essentia Relationes in suo conce-
ptu includit.

II.
*Prima sen-
tentia affir-
mat mutua
inter eas da-
ri inclusio-
nem.*

Prima itaque sententia affirmat & Relatio-
nes in Essentiâ, & hanc in Relationibus ita in-
cludi, ut nec Essentia sine Relationibus, nec hæ-
c sine Essentiâ concepi possint: ita Bannez hic,
q. 28. art. 2. dub. 3. Valentia 1. p. disp. 2. q. 13.
punct. 1. & alii.

III.
*Secunda sen-
tentia est,
nullam hic
dari inclusio-
nem.*

Secunda sententia econtrariò asserit, nullam
hic dari hujuscemodi inclusionem, sed & Essen-
tiam sine Relationibus, & has sine Essentiâ con-
cipi posse: ita Scotus in 1. dist. 2. q. 7. Gab. ibi-
dem, q. 1. art. 1. Gregorius in 1. dist. 33. art. 2.
Concl. 4. Molina hic, q. 28. art. 2. disp. 6. Vafq.
1. p. disp. 121. Tannerus hic, disp. 4. q. 3. dub. 3.
num. 7. & 9. Arriaga 1. p. d. 48. sect. 3. num. 10.
& alii.

IV.
*Tertia sen-
tentia inter-
duas priores
media.*

Tertius sententia docet, Relationes quidem non
includi in Essentiâ, hanc tamen in Relationibus
includi: illam proinde dicunt hujus sententia æ-
uctores sine Relationibus concepi posse, has sine
Essentiâ non posse: ita Zumel hic q. 28. art. 2.
q. 3. Suarez lib. 4. de Trin. cap. 5. 6. 7. & 8.
Arrubal hic, disp. 101. Granado 1. p. disp. 4.
sect. 2. num. 8. & alii.

V.
*Nec Essentia
Relationes,
nec ha-
Essentiam in-
cludunt.*

Mihi conformiter ad ea, quæ suprà, disp. 4.
citata, sect. 2. & sequentibus afferu de prædicati-
onis Dei absolutis, dicendum videtur cum auto-
ribus secundæ sententie, nec Relationes in Essentiâ,
nec Essentiam in Relationibus includi, ade-
quæ & Relationes ab Essentiâ, & hanc à Relatio-
nibus posse conceptu nostro præcindi.

VI.
*Probatur
Relationes
non includi
in Essentiâ.*

Prima pars, quod scilicet Relationes non in-
cludantur in Essentiâ, probatur primò: quælibet
namque Persona divina habet Essentiam, seu na-

turam divinam; sed quælibet Persona non habet
omnes Relations, Pater enim non est Filius,
aut Spiritus Sanctus, nec econtrâ: & juxta Con-
cilium Florentinum in literis unionis, ut vidimus
Disputatione præcedente, Pater omnia dedit Filio,
præter esse Patrem, Pater autem est Pater per Pa-
ternitatem.

Probatur secundò: singula divina Personæ
sunt Deus: ergo singula illa omnia habent, qua
spectant ad essentiale conceptum Deitatis: ergo
Relations ad hunc conceptum non pertinent,
sic enim aquæ de Patre diceretur, est Filius, &
econtrâ, ac est Deus.

Probatur tertio: Concilia, siquidem & Patres
communia in divinis distingunt à propriis, ab-
soluta à relativis, ergo relativa, seu propria non
sunt de conceptu essentiali absolutorum: si enim
essent, non magis ab iis præscindunt, & sine
iis concepi, quæ homo concepi sine rationalita-
te. Confir. si Relations essent de conceptu
essentiali Essentia, essent omnes tres Relations
de conceptu essentiali singularum Personarum,
cum Essentia sit de carum Essentiâ, sicutque una-
quæque Persona non minus esset Trinitas, quæ
unaquæque est Deus.

Seconda verò Conclusionis pars, quod aimi-
rum Essentia non includatur in Relationibus,
probatur argumento proximè allato: sicut enim
Patres absolute in divinis distingunt à relativis,
ita relativa distingunt ab absolutis: ergo si argu-
mentum ductum ab auctoritate Conciliorum &
Patrum valet, tam concepi Relativa possunt sine
absolutis, Paternitas exempli gratia, aut Filiatio
sine Essentiâ, quæ hæc sine illis. Confir. nihil
apud Patres frequentius, quæ Personam divi-
nam constitut ex Essentiâ & Personalitate; ergo à
se invicem ratione distinguntur.

Probatur secundò: si namque Essentia sit de
formali & essentiali conceptu Filiationis, & hoc
senz in eâ includatur, sequitur Naturam, seu Es-
sentiam immediate terminare unionem hypothati-
cam, quod tamen passim à Theologis negatur
sequela probatur: ideo enim prædicatum entis in
Filiatione includum, immediate terminat unio-
nem hypothaticam, quia est de formalis & essen-
tiali conceptu Filiationis: si ergo de ejusdem con-
ceptu sit Essentia, seu Natura divina, eodem etiam
modo terminabit unionem, quod tamen, ut dixi,
à Theologis nullâ ratione admittitur: ergo Es-
sentia non includatur in Relationibus, nec est de
essentiali

An Relationes & Essentia se incluant. Sect II. 269

I. Essentiali earum conceptu. Ad hanc etiam conclusionem probandam faciunt ea, quae supra, disp. 4. sect. 2. adduxi ad ostendendum Essentiam non includi in praedictis absolutis.

SECTIO SECUNDA.

Solvuntur argumenta pro inclusione Relationum & Essentiae.

II. Pro sententia itaque afferente inter Relationes & Essentiam dari inclusionem inutuam, ita ut Essentia sit de conceptu essentiali Relationum, & econtra, varia afferuntur Sanctorum Patrum testimonia, qui hoc afferere videntur. Respondet tamen, Patres aliam in his inclusionem non docere, quam identitatis realis; nec enim eorum intererat minutum adeo procedere, & ad speculationes hasce metaphysicas descendere, ut in simili latè ostendi supra, disp. 4. sect. 4. num. 6. & sequentibus.

Circa particulares autem quasdam propositiones, veræ sint an falsæ, formales an tantum identicæ, ut Pater est Deus: Deus est Pater: Paternitas est de essentiâ Patris: Deus est Trinitas: Trinitas est Deus: Pater est Pater: Pater est Persona divina: hec persona est Pater, & similes, videatur S. Thomas hic, q. 39. art. 5. & 6. Cajetanus 1. p. q. 30. a. 4. Scotus in 1. dist. 23. q. 1. Suarez lib. 4. de Trin. cap. 6. & alii.

III. Pro inclusione etiam Relationum in Essentia arguitur ulterius: de Essentia enim Dei est esse trinum, ergo de conceptu illius essentiali sunt omnes tres relationes, per illas enim constitutur formaliter trinus. Confir. primò: non magis est Deo essentialis esse trinum, quam esse unum, sed hoc est ei omnino essentialis: ergo tres illæ relations sunt de Dei Essentia. Conf. secundò: Essentia divina est entium omnium, quæ cogitari possunt, ens perfectissimum, ergo includere in se debet omnes tres Relations.

IV. Ad argumentum Respondetur, esse quidem radicaliter de Essentia Dei ut sit Trinus, hic tamen non est formalis conceptus essentia, sed esse intellectivum, aut quid simile, juxta diversas sententias, supra positas: & eodem modo responderetur ad primam Confirmationem. Ad secundam Confirmationem negatur consequentia: si enim Essentia in se formaliter includeret omnes tres Relations, destrueretur hoc mysterium; nulla enim Persona posset habere essentiam, cum Relations sibi sint opposita, sicque in eandem Personam cadere nequeant: ergo nullus etiam Persona haberet Essentiam, vel si haberet, qualibet Persona esset Trinitas, ut latius ostensum est sententia præcedente, num. 6. 7. & octavo. Ad perfectionem ergo infinitam Essentia sufficit, quod Relations contineat identice, sitque ratio ne nostrâ carum radix, & fundamentum.

SECTIO TERTIA.

Argumenta contendentia Relationes includere Essentiam.

V. Pro inclusione Essentia in Relationibus objectur primò illud Concilii Rhemensis, ubi dicitur ipsas etiam personalitates esse Deum, & Pater est Deus, & similia. Respondet Concilii ill-

R. P. Comptoni Iherol. Scholast. Tom. L

Ius Patres illic loqui contra Gilbertum Porretum, qui realem ponebat inter Essentiam divinam & Relationes distinctionem: unde loquuntur in sensu-real, & identifico; hoc enim ad eorum intentum sufficiebat, ut in simili dictum est supra, numero primo.

Quod autem urgent aliqui, Relationem divinam, non solum esse Deum, sed essentialiter Deum: sensus est Relationem, Paternitatem exempli causâ, petere essentialiter, ut identificeatur realiter cum divinâ Essentia; hinc tamen non sequitur Essentiam in formalis Paternitatis conceptu includi: sicut etiam Essentia petit essentialiter identificari cum Relationibus, hec nihilominus, ut vidimus, & factur P. Suarez, qui hoc argumentum urget, non sunt de conceptu formalis Essentia.

Objicit secundò P. Granado tract. 3. disp. 4. sect. 2. n. 13. Relationibus divinis tribuenda est omnis perfectio possibilis: fed inclusio divina Essentia est perfectio, & iis possibilis: ergo Respondetur, realiter quidem & identificè Relationes habere omnem perfectionem: at verò formaliter, & ratione nostrâ implicat in iis includi Essentiam; cum Relationes sint respectivæ, Eſſentia absolute, Relationes aliqua sint productæ, Eſſentia improducta; Eſſentia comunitetur, Paternitas non communicetur; Relationes faciant numerum & differentiam, Eſſentia unitatem, &c. hac autem, diversissima cum sint, licet ob eminentissimam Dei perfectionem, realiter identificantur, non possunt tamen intellectui non praebere fundatum, diversis ea conceptibus representandi: ergo unum non est de formalis conceptu alterius.

Tertiò objicit P. Suarez citatus, cap. 7. num. 9. Concipi nequit Paternitas divina, quin in ejus conceptu includatur ens reale: ergo vel ens creatum, vel increatum, non creatum, ut constat, cum in Deo nihil existere creatum possit: ergo Relatio in conceptu suo includit ens increatum, quod tamen sine inclusione Eſſentia fieri non potest: ergo. Respondetur, nec esse necessarium, concepta Paternitate, ut in eis concipiatur vel ens creatum, vel increatum: sicut concepta substantia in communione, præcisâ à Deo & creatu. Aliud est logis, licet concipi debeat ens, non tamen vel ens creatum, vel increatum, sed præscindens ab utroque. Idem ergo est in presenti; quamvis enim à parte rei, aliud sit in intellectu, non vel ens creatum, vel increatum, nil tamen vetat, quo minus mente quis ab utroque valeat præscindere.

Quartò objicit idem num. 6. divinitas est de Eſſentia Patris: ergo & de Eſſentia Paternitatis, Paternitas quippe dicit quicquid dicit Pater, ut patre cuius est abstractio; sicut humanitas, abstractum hominis, dicit quicquid dicit homo. Respondetur non esse hic sermonem de Paternitate hoc sensu: sic enim, fateor, idem dicit, quod dicit, Pater: sed hic loquimur de Paternitate ut est Relatio, seu præcisè ut dicit generationem activam, & hoc modo dico illam non includere Eſſentiam, ob rationes jam allatas, maximè cum Concilia & Patres dicant Patrem constitui ex Paternitate & Eſſentia: ergo illam ab hac distinguunt, ut supra latius dictum est.

Objicit quintò, capitulo 7. n. 9. superius & commune includit semper in inferiore & particuliari: sed Eſſentia divina est quid commune, & ad Relationes refertur, ut Essentialis forma: ergo in eorum conceptu, saltem confusa, includit.

R. P. Comptoni Iherol. Scholast. Tom. L